



四溟山人全集卷之十

東郡謝榛著

東郡蘇潢

全校

赤城陳養才

東郡新安 張季彥 程兆相 全校 詳校

五言律詩八十七首

留別李給事仲西

二毛秋自見君意為蒼生殊有匡時略寧邀抗疏名
寒鴉喧禁樹積雪照都城我訪安期去悠悠海上情
冬夜范憲伯堯卿宅同許憲副子春得天字

宦情與客思歲暮共悠然雲暗春前樹山明雪後天
浮沉惟短褐聚散幾芳筵莫惜今宵醉相期動隔年
贈黃少叅叔卿

走馬帝京塵還能問隱淪高懷非一日逸氣自三秦
地接冰霜暮天回海岱春應憐轉輸急白屋幾愁人
謝子明別業對酌二首

謝墅留清酌涼秋漫賦詩露淒衰草色風脆老槐枝
白屋坐農叟黃昏歸牧兒駱駝能負重更羨兩峰奇

二
背郭茅亭子聯鑣薄暮來田夫掃逕罷

四回

地僻隱狐兔園荒迷草萊主人久不到黃菊向誰開

晚眺西山懷孟茂才

忽憶高都彥東西限太行爾家夢不到客館夜何長
踈柳出殘月空階鳴亂螿寧知我愁思轉側未成章
耽詩二首

平生有底事閉戶獨長吟採玉緣山險探珠入海深
上通千古脉後滿幾家心向夕誰相和風鳴萬竹林

二

共訝耽詩癖狂歌倒角巾英華吐不盡糟粕咀猶新
待兔堪嗟我屠龍豈讓人閉門心更遠收得萬山春

慨古

阮籍能騷雅令人終古思憂傷猶一代醒醉不同時
海迸鮫人淚山通木客詩憑高望何許風雨隔蓬池

可嘆二首

幾醉覃懷酒茲來何苦辛龍精劔自古燕石寶非真
天地長容客雲雷暗有神浮生莫太急朝露槿花新
二
世事底相迫人間誰獨醒行歌仍白石把闥且黃庭
山迴雲時出天高霜夜零菘菘無久色松柏向人青
秋雨太多賦詩志感以示同懷者和之

秋來農事苦久雨失全功日晷冥冥外天心默默中
恩深自古患怨少幾人同遙望垂衣主誰為擊壤翁
久客

為客不知久同懷相見頻河山偏入賦風俗更留人
鏡裏雙愁鬢燈前一病身菊花零露滿秋色幾枝新
苦雨後感懷

苦雨萬家愁寧言客滯留蛙鳴池水夕蝶戀菜花秋
天地惟孤館寒暄一敝裘須臾古今事何必嘆蜉蝣
嘉靖癸卯歲曾寓道院屢登玉清閣以發吟
興於今二十七年矣衰頹且病竟不獲一登

漫成小詩以志感嘆云爾

幾欲登仙閣年來筋力衰山青不在眼雲白更依誰
碧海三山夢瑤臺萬里期老夫仍世累且報木公知

孟縣道中三首

村家農事畢積雨漫成河白聚野鳧淨紅垂秋柿多
年衰仍浪迹轉調是勞歌一誦鷓鴣賦歸歟向薜蘿

二

去去已云倦秋天菊正花陰晴客在路南北鴈爲家
薄俗身難定浮生鬢易華仙人不可見何處問丹砂

三

客行淫雨後細雨亦堪愁林鳥畏沾濕河魚爭蕩游
草寒黃色動山黑暮雲浮戴笠誰家子荒坡尚牧牛

夜雨徐明府子研枉駕旅寓

冒雨一乘輿僕夫應畏難交從今夕定情自故鄉看
城迥鐘相隔槐疎鳥共寒攜樽慰旅况馮缺不須彈

夜至周南驛

河嵩欲弔古重過此名都入夜迷城郭登橋問僕夫
霜前客路倦煙外驛燈孤舊好應相約磨崖卽壯圖

九日登北邙山

漫起登高興驅車草徑斜可憐雙粉蝶不見一黃花

文軌元周室山河已漢家客中幾節序老病獨長嗟
暮秋夜集劉兵憲子禮宅賦得秋多二字二
首

離合半生夢招呼三逕游鄴中惟病客洛下幾名流
石潤苔含雨庭間菊占秋還憐竹西月移席整觥籌
二

堂上琴樽設門前杖屨過壘山成地秀種菊得秋多
佳會偏傾倒餘生幾嘯歌相期共幽事城市有煙蘿
暮秋夜雨同溫純甫方敏之集呂子性書齋
對菊

席畔幽芳合相留客盡歡天將雨色暝夜使菊花寒
取醉飛觴促題詩剪燭看晴明復何處搖落感秋殘

題漢封三柏

松自秦封早寧言三柏遲霜風助靈秀雷雨拔神奇
地脉盤根處山精倚嘯時天教漢澤遠老勁萬年枝
同鮑叔愚鄧廷獻二明府同觀太乙泉流觴
靈源噴薄處並駕遠看來野鳥夕爭下山花寒自開
流觴幾曲水倚杖半巖苔秋興能同賦誰齊潘岳才
暮雨過李貞守解子及二廣文宅

二館閉終日雨多秋草長官閭同俎豆道在各文章

劍閣千山轉昆池天一方家書鴈不到相伴幾星霜

山縣久雨感懷

雲慘失峰巒林深鳥自安山城七日雨客舍九秋寒
綠酒愁邊盡黃花病後看癡兒問行路不道僕夫難
禪房夜雪遣興

禪屋閉陰晦燈前香又焚諸天無際雪二室有重雲
沒逕寒初覺飄空夜不聞江梅遙可賦焉得並清芬
雪中過鎮師禪房

釋子遠朝市岩棲歲欲殘雲濃山易晚雪重竹禁寒
佛性見時見心經看處看邇來逢北使寧復問長安

留贈薛參軍希元

爾郡鄰吾郡由來土俗同宦情與客計綠鬢對衰翁
薄俸仍羸馬孤懷且斷鴻不聞魯連輩千古說齊中

聞法光上人來汝州山寺尋訪已行悵然賦
此

法光題一詩我道惠休遲破衲煙霞氣浮塵松柏姿
入山殊未定飛錫復何之來去有明月相看是舊知

贈尤員外季美幽居二首

終養辭官早幽居甘歲寒衣冠不復着蔬食有餘餐
世俗因之重人情若此難春花自開落閉戶幾曾看

傳道仍求侶端居嗟爾才晴暉半簷雀苔色滿庭隈
皓月閒相對清風徐自來扣門不相見冠蓋幾人回

謝楊伯仁惠炭

故人惠我炭坐煖卽春風分火僕心愜圍爐僧話同
老存呵筆氣夜賴煮茶功昨過禪關雪蕭條一念中
謝仲川雪中見過時予未起

高枕奚童報知君冒雪來陰晴門外變騷雅臥中裁
寒色侵衣濕冰花着樹開于今誰有賦方見謝家才
瑞雪頌卽席呈李子充時會陸孔濟孔中昆

玉宅

冰雪雙清地琴樽二陸堂寒聲自淇澳春色更河陽
獨詠豐年兆誰知聖代狂今朝幾村叟沽酒話農桑
春雪憶兒元燭

新年多雨雪山路更行難剩作人間瑞偏增馬上寒
凍痕連澗合春色滿林看何處兒沽酒杯應到手乾
上黨雨中旅懷

閒眠起歸思夢落鄴城隈醒後山川別愁邊風雨來
蛙鳴渾有意雀定自無猜憶昨園中樹行看信幾回
次鎮康王西岩夜過之韻

秉燭賢王過傳呼到榻邊衣寒坐來露臺迥醉中天
共話嫌宵短相逢記月圓佇看歸駕遠城柳帶朝煙
卽席次南泉君見贈之韻

懷同賓主醉勝事老來稀氣色仙人府文章織女機
今宵堪共賦後約肯相違爲愛花亭月憑高挹素輝
初秋同劉兵憲叔清游五龍山值雨賦得天
字

飛旌向何許深入萬松煙草濕雲邊徑山昏雨外天
興高窮勝迹政美見豐年誰識君侯意臨風一慨然
次潘王殿下秋夜小酌之韻

爲愛雲山色憑高望幾回孤吟方露下百感復秋來
夜爽風鳴樹天清月在杯共言今子建八斗不凡才

中秋夜復雨

朝霽夕還雨中秋難預期驟鳴池水動暗濕桂花垂
銀漢明何處瓊簫斷此時團圓如學扇愁思只班姬
十六夜安慶王西池宴西林喜晴

塔院深逾淨冰輪缺尚明雨多妨勝會秋爽足高情
皎皎諸天色蕭蕭幾樹聲月華常隱見世事亦陰晴
過西池書齋賞菊

培養鄰三徑移來殿萬芳餘花自風景幽意合柴桑

繡幕駐秋色金杯浮晚香主人益珍愛詎敢傲飛霜
送王中貴汝延還鄉祭薦

幾年鄉夢切驅馬逐斜曛舊種松楸合今來風雨聞
神游堂外月淚墮隴頭雲知爾多孝思城烏啼夜分
雨中赴長子

出門三十里人在雨中行黯黯雲無色蕭蕭樹有聲
泥深車馬道日晚僕夫情欲問誰家宿前村烟火明
暮登長子城樓寄懷周子才二首

孤城動寒色登眺獨傷神落日刁黃嶺秋風衰白人
調同千里合性懶百年真聖代多名士吾知羊在秦

二

朝來原上別日暮倚層樓風景誰同賦雲山各自秋
文旌去隱隱驛路轉悠悠目送長空鴈南飛過澤州
敬軒誠軒攜酒見過西巖西池同賦二首

二

日落寒城閉天空倦鳥歸高樓纔暝色新月亦清輝
秋興騷人賦鄉心客子衣王門豈無事載酒過玄暉
相逢道氣合寧比俗交情爲客多儔侶能詩兩弟兄
杯中寒菊影暮外暮砧聲我獨饒愁緒西風皓髮生

謝鄭明府惠酒

重來駐馬處禪院寄閒情宿鳥當簷寂飛霜着樹明
絃歌今令尹風俗古山城送我一樽酒君心此見清
冬夜過雲洲翁留酌因赴西池君不果

眼前期不定萬事遠期難酒熟山人過詩成蠟炬殘
柝聲連巷動月色滿城寒歲晚梅花發誰同雪裏看
東園卽席次栗僉憲仁甫見贈之韻

飄零豈王粲留滯卽南荆吾計安時俗君詩慰旅情
天寒偏共醉年老更同盟莫負竹窓約還聽風雪聲
同程太守子晉過昭覺禪院

使君重惠遠頻往與逾高共欲參禪妙何心索句勞

霜明分夜色松響亂寒濤更話睢中事憂端在二毛

送兒元燭歸鄴

汝兄在家病汝病復西來又歷關山險遙衝風雪回
天涯兩念切歲盡一書裁母老望遊子斜陽門半開
新年雪中有感

新年復雨雪旅思若爲寬池滿春冰合枝垂凍鳥攢
煎茶火不焰呵筆氣俱寒初日上樓角奚童一笑看
春雪上安慶王

懷抱訴何許蕭然倚杖間庭除動寒色冰雪照頽顏
興在春杯竭詩成凍筆閒淮南恐晏起好去問當關

元夕西池君同過昭覺禪院漫賦

新歲期良夜來登會法堂
天花塵不染貝葉道何長
片月分諸影千燈共一光
朱門多醉客春意在絲簧
十六夜同南菴翁遊昭覺禪院醉筆漫書

客子來金界王孫駐玉鞍
春通九衢夕風閃萬燈寒
改席鐘聲度當杯月影團
明年曠顏色勝景憶同看
夜過達軒同仁軒分得清字

幽齋幾剪燭相與話深更
戶牖敞虛白星河懸太清
悲歌燕俠志醒醉楚騷情
當代能多賦應齊勒鼎名
初春夜過恕菴留酌賦得逢字

老得風騷計兼之勝會重
閒交期白社古意比青松
興到先春酒詩成後暝鐘
兩無塵事擾花月幾相逢

春日柬李之茂

君逢初度日閉戶正思親
綠酒誰開甕斑衣自積塵
斷雲愁色裏獨樹淚邊春
今夕應無寐啼鳥莫傍人
春雪晏起柬程太守子晉

開戶正風雪其如幽獨情
老堪終日靜天助幾家清
壓樹寒雲色當階飢雀聲
勞君每相慰辛苦著書成
聞馮大叅汝言過長子寄懷

征驂過長子傳是小馬君
落月殊相憶鳴鴻各自聞

人經兩春草路隔幾山雲昨有晉陽夢焉知勞夜分
謝敏軒惠酒

太行三晉路留滯幾書還亭館仍春雪雲霞豈故山
客愁醒醉裏臘味有無間何限王門酒能滋衰老顏
介軒淑人挽詞

玉貌何長逝春風吹落梅冥冥天外隔忽忽夢中來
月影閒機杼晨光慘鏡臺王孫作賦罷淚盡有餘哀
同西銘君園亭夜酌得東字

園亭舊爲主簷雀意還同世事清樽外年華老客中
光殘半夜燭香通百花風不盡王孫興明星時在東

東栗別駕道甫

曾賦南陽勝登臨諸葛廬宦情歸舊業老計著何書
高枕浮雲過孤樽落月虛帝京多故侶誰復問闌居
寒食感懷

禁烟元晉俗惟有客居清雙鬢偏垂老孤懷自寡營
青松故壠思黃鳥異鄉聲迢遞閨中婦春衣寄未成
雨中過昭覺禪院同雲洲丈敬誠二君賦得
多字

不辭冒風雨地勝此經過逕滑人留迹林寒鳥在柯
踈狂緣醉甚老病得閒多更欲尋禪侶青山共薜蘿

夜集禪院同安慶王李之茂分得葵樽二字
林中夕幽爽有客共耽詩路入山僧社鐘催蘿月期
禪應一已悟妙豈衆人知香積猶烟火庭前摘露葵

二

坐久客衣濕灩灩多露痕鐘殘猶駐馬月轉更移樽
浮世殊多事幽人偶一論定知他夜夢相倚碧松根
過雲岫竹亭雨雹有感

竹亭閒白晝風雨坐來聞天改山川色林停鳥雀群
階鳴亂走雹雷轉暗驅雲田父更愁思無眠耿夜分
雨中寫興同雲岫雲洲二丈得流字

倏忽西來雨蒼茫失郡樓重雲疑作暝萬竹似鳴秋
戶牖動寒色庭階成亂流何勞更投轄劇飲自無休
次雲岫翁雨中共酌之韻

幽寂似岩扉相招興不違酣成風雨賦暗濕芰荷衣
玉樹當庭合瑤觴隔坐飛不愁泥滿地斜月送人歸
東南泉君園居

幾日違禪宇遙聞鐘磬音誰同賦詩興自定奕碁心
雨歇亭臺爽烟含花竹深眼前幽意足清曠亦止林
答張汝任二首

咫尺少良晤懷同只簡書君言吏事迫我識宦情踈

老鶴閒官署蒼苔淨客居應憐苦詞賦不減病相如

二

君來未兩月幾度走風塵興已違魚鳥名應繫鳳麟
千年可同調萬里亦交神松老歲寒色何勞相見頻
暮雨有感

西來一片雨遽作萬家秋寒逼今宵夢聲牽故國愁
城高斷鐘響野曠溢河流秉燭貴公子仍耽金谷游
園亭月下觀妓分得戲字

月白池臺迥徵歌客共酣名花出山右春色似江南
漏轉仍呼酒參橫尚駐驂重來賞音處感舊對何戲

過誠軒君賦得登樓對月得河字

樓高仍綺席月朗亦金波垂老酒杯倦先秋詩興多
柝聲空巷陌池影截天河今日頻相接寧忘最後過
夜過雲峯書齋賦得煙字

揮塵拂爐煙更生當代賢一談傾醉後萬古見樽前
城迥柝終夜星踈雲半天獨醒却忘世且枕楚騷眠
詠史

言失有言後事生無事中至人餐沆瀣教我隱蒿蓬
黃綺匡扶別荀揚著述同從來貴玄默高枕聽松風
寄李學憲于鱗二首

西盡三秦勝拂衣歸故林搜詩慘淡色遠世寂寥心
坐想古人在行看秋草深千年白雪調誰和郢中音

二

著述今垂老湖山自一家道存閒日月心賞舊煙霞
問字翻多擾餘杯不復賒相看非俗物籬落有黃花

四溟山人全集卷之十 終

四溟山人全集卷之十一

東郡 謝榛 著

東郡 蘇潢

赤城 陳養才 全枝

東郡新安 張季彦程兆相 全閱詳校

七言律詩一百二十首

送許中丞伯誠鎮遼陽

雄才當代擬登壇東度榆關歲欲殘燕嶠暮雲天外
起遼河春水雪中寒艱虞自謂匡時晚戰伐誰知得
士難謾說請纓平百越行看仗策靜三韓

送李給事元樹奉使雲中諸鎮

瑣闥朝下促飛旌
歲暮看君塞上行
戍角動人多苦
調戎衣走馬半新兵
關開涿鹿雲連樹
路出蜚狐雪
滿城計日楚才封
事上君王深見九邊情

酬趙少叅綱夫見寄

高秋絕塞無烽火
驛使遙傳上谷書
暫破愁顏和虜
後長思紆策募兵初
龍沙月白孤鴻斷
狐嶺天寒萬
木踈勲業應期趙克國
病懷誰會漢相如

酬蘇侍御允吉見寄

幕府書來見遠情
况逢秋暮正休兵
天消朔塞煙塵

色風斷燕關鼓角聲
戰後威名憂轉劇
老來多事賦
還成應思帝里傳
杯夜南北迢遙共月明

送陳太守仲聲還任金華

雙旌帶雪下長安
曉色催人馬上寒
不憚風塵馳驛
道應知父老佇江干
金華雲隔三千里
碧草春生五
百灘遙想元龍乘暇處
高樓明月共誰看

送黃侍御文卿按雲南

炎徼煙塵驚羽檄
薊門冰雪動征驂
朝廷此日憂仍
在戰伐頻年苦不堪
萬里霜威清瘴癘
百蠻風物盡
西南伏波功業標
銅柱攬轡知君定一探

望北塞有感

沙塲白骨總堪哀，胡虜憑陵自古來。
秦帝北憂期萬世，周家上策見群才。
孤城走檄風塵動，百戰成功邊地開。
莫話封侯好，歸去零霜秋滿郭生臺。

哭駕部郎中朱伯鄰

四載論交道，氣多天亡鮑叔柰。
予何病來還擬文園賦，身後空悲蒿里歌。
月下歸魂辭絳闕，雪中飛旄渡黃河。
親朋慟哭松楸日，應待東方白馬過。

汴上留別南渚崇岡喬梓二王孫

喬梓神交稔，有年相逢汴上卽。
相憐等閒消我紅塵。

障蔽迨勞君白雪，篇東觀然藜多繼美。
西園飛蓋復齊賢，柰何岐路當明發。
酪酏休辭別酒前。

冬夜宗考功子相宅同張比部士直錢進士
惟重餞別方行人，仲安使闕里便道還蜀。

虛堂秉燭共開樽，歲晚梅花發禁園。
南北交情今夜醉，江湖別思幾時論。
天邊候鴈逢燕使，雪後春泥過魯門。
家在涪川暫歸去，萬峰回首隔中原。

冬夜李鴻臚東明宅同陳戶曹惟學李比部
于鱗賦

寒天開宴宮城西，駐馬庭前風色淒。
海月漸高萬戶。

靜禁鐘初斷，群鳥啼他鄉。白髮共盃酒，故國青山還。
杖藜浪迹長，嗟歲序過魯。連意氣終歸齊。

酬王侍御子梁見寄

臺畔烏啼夜，獨醒憂時不寐。向中庭幾看燕嶠秋雲。
白三度梁園春草青，夢斷關河驚過鴈。書傳南北感
浮萍君才，况值艱虞日。驄馬歸來鬢欲星。

春日憶弟

漳南十見柳條新，白髮踈狂任此身。兒女漸多空自
老，弟兄久別復誰親。亂雲愁色偏經眼，孤鴈哀鳴欲
向人。昨夜當歌轉惆悵，樽前不是故園春。

春日洹上閒居

芳草洲邊春水生，蒼茫霽色動柴荆。風吹楊柳幽人
卧，日上梨花獨鳥鳴。泉石自能忘俗事，壺觴聊復寄
閒情。千年好憶東方朔，金馬能兼大隱名。

暮春

寒食又過羈旅間，風光滿眼非家山。啼鳥聒聒晝眠
起，落花冥冥春事閒。四壁有琴對綠酒，百年無藥回
朱顏。杖藜何處遣吾意，溪上白雲時往還。

公子行

少年公子美容光，共羨豪華傾大梁。花柳旋開馳馬

路金珠亂擲鬪鷄場青樓對舞春無歇白紵嬌歌夜
未央獨有侯生空老大夷門風雨自悲涼

登玉清閣

玄都丹閣倚雲重我獨登高秋興濃檻外蒼茫來沁
水窓間靈秀得嵩峯老夫多事還堪醉仙侶千年不
易逢坐敞幽襟澹無語夜深涼月在踈松

五華觀

五華峰頭斜日明玄都碧樹風煙清道人本是鸞鶴
侶客子亦知雲水情萬古仙踪寶書在三春靈氣瑤
芝生亂山深處不易到自掃石崖題姓名

玉巖寺

玉巖門開風色涼我來登眺北斗傍老禪雲間誦真
偈童子石上焚名香摩尼珠光自寂照菩提樹影何
冥茫深林兀坐不歸去清磬一聲催夕陽

送張別駕赴秦中

曉別孤城鴉亂啼函關迢遞正春泥馬經三輔雪霜
後路出五陵松柏西烽火獨愁秦塞迥郡樓長望隴
雲低寶刀靈氣君堪佩晉代功名定與齊

還家

久客還家百感生蕭條獨掩舊柴荆黃塵已倦妻孥

計白髮相憐父老情携劍入燕非郭隗著書留趙亦
虞卿悲歌且復開樽酒歲暮鴉啼雪滿城

送沈克昌東歸

孤琴漂泊氣難平老傍天涯復鄴城四海知音須我
輩一朝傾蓋識君情官橋疎柳高秋色旅館寒螿獨
夜聲太石潭邊好歸去漁竿不負野鷗盟

送謝武選少安犒師固原因還蜀會兄葬

天書早下促星輅二月關河凍欲消白首應憐班定
遠黃金先賜霍嫫姚秦雲曉度三川水蜀道春通萬
里橋一對郟筒腸欲斷鵲鶴原上草蕭蕭

送章行人景南使閩中

春盡天涯感別離滄波極目去帆遲江南到處寒芳
杜海上先秋薦荔枝明月每勞燕市夢白雲遙寄越
鄉思山靈暫爾留旌節獨立西風賦武夷

送宋行人進之使太原潼關諸郡

高城拂曙亂鴉啼別酒臨風征馬嘶使節天邊雲渺
渺王程春暮草萋萋黃河南去晉山斷紫塞西連秦
樹低宋玉三秋還有賦誰同華嶽一攀躋

夜餞周時隆表兄東歸

弟兄此別重傷神况復淹留一病身白髮相看偏墮

淚清樽纔罷轉愁人江鴻北轉燕山夜河柳東連魯
甸春若到鄉關逢故老爲言遊子倦風塵

送張比部子受出守太原

花明燕館送征車鴈度汾河肯寄書平子多愁今復
見細侯爲郡竟何如五原芳草巡行外三晉蒼生戰
伐餘籌國還須靜關塞逢人幾爲問耕鋤

送何進士振卿謫樂平少尹

都亭同醉采芳菲別後關山夢不違平野北看燕樹
斷大江西去楚帆飛百花洲上還聞鴈五老峯頭獨
振衣勝地且留何遜賦春風應見賈生歸

送白戶曹貞甫之三河

御河春草纔傾蓋驛道炎風復送君候騎遲留今日
醉美人消息幾時聞孤城北向天門近三水東流地
脉分漸老江州白司馬建章回首隔重雲

送彭進士子殷謫豫章

脣朝遠謫自悲吟六月鳴蟬滿上林帆度九江秋水
關樹連三楚暮雲深滕王閣迴瞻霄漢徐孺祠荒慨
古今獨向天涯正搖落西風應起帝鄉心

送張憲副子受之閩中

長安七月送使君駐馬惜此川途分清樽能共幾宵

醉白鴈不知何處聞潮平江門萬里擢城壓海樹千
重雲高秋開府倚長劔望極中原吟夕曛

秋夜過吳職方子有宅

鳳城西畔獨尋君無柰寒蛩坐裏聞燈下旅愁驚老
至天涯秋興醉宵分禁鐘隱隱來深院海月微微出
斷雲綠酒黃花知有約不辭風雨更論文

秋夜陳內翰子結第同孟得之對月有賦

陳尊投轄罄交歡池上酣吟並倚欄月到玉堂秋轉
靜天迴瑤闕夜偏寒坐聽客子穿雲笛恍見仙人承
露盤金馬明晨還待詔清光應憶此時看

秋集道院因同徐庫部子明醉賦

寄跡京華勝賞稀偶來仙院靜塵機明河倒影夜低
戶涼露無聲秋滿衣銅漏滴殘人共醉玉笙吹斷鶴
孤飛空庭改席多幽興月落長安並馬歸

中秋無月同李子朱王元美李于鱗比部賦

得城字

四野蒼茫雲霧生月華暗度鳳凰城樽前不辨銀河
影樓外空傳玉笛聲鴻鴈清秋遊子意梧桐白露故
園情謝莊欲賦還惆悵今夜關山何處明

寄洞庭山鄒子序

鴈書寄意三秋過龍劍藏靈兩地分舊日交游思共
醉他鄉風物感離群笛中夜落關山月樓外天連海
嶠雲老去相逢定悲愴吳歌對酒不堪聞

重陽夜感懷

月冷燕城斷旅魂廣庭風露坐來繁老將濁酒酬今
夕秋到黃花憶故園多病淹留孤劍在當年游好幾
人存狂歌重此登高意滿眼浮雲不可論

送顧汝脩歸上海

千里飛霜葉下初知君回首憶鱸魚潮生瓜步移孤
權路轉吳淞是舊廬海上白雲秋不斷天南明月夜

何如梅花歲暮應攀折驛使相逢有報書

邊警

太白秋高烽火驚羽書飛下晉陽城沙場風急來胡
馬亭障雲深出漢旌戰守何人能伏策朝廷今日始
言兵懸知駕馭還多術早晚親臨細柳營

登龍虎臺

龍虎層臺逼九天居庸形勝壯幽燕放歌高出冥鴻
外縱目還驚戰馬前秋老西山多雨雪寒深北塞足
風煙卽今誰爲磨崖石好記將軍破虜年

宿榆林驛

寒夜榆林門獨開愁看霜露滿蒼苔驛燈孤照征人
夢邊月高懸落鴈哀胡虜幾窺青海戍烽煙又上白
登臺當年李廣空遺恨蕭颯天風正北來

望雲中塞

幾年欲向塞門遊北渡桑乾重旅愁畫角悲涼孤館
夜黃榆搖落九邊秋壯心未擲班生筆浪跡堪憐季
子裘回首江湖任鷗鳥謾嗟華髮滯燕州

望盧龍塞

迢遞漠南行侶稀壯遊碣石寧言歸空山曲徑緩征
騎白日清霜沾客衣秋冷河亭燕子去風生塞笛梅

花飛悠然四顧共誰語獨立大荒吟夕暉

寄鎖鴻臚道充時留鄴下

聞道經年駐使車西園幾度訪應徐已孤舊約仍爲
客會見新詩更起予霜滿鄴城鴻鴈盡天寒漳浦菊
花踈祇言歸日還同醉莫訝三秋不寄書

得田深甫書

幾年遙憶田子方孤雲無定天茫茫消息轉疑復何
處兒女相牽歸故鄉黃金到手意氣盡白頭爲客悲
歌長我獨憐才更情切夜來尺書纔寄將

送李郎中子朱出守東昌

丹鳳城南祖席開使君行色曉星催
薊門旌旆乘空下海岱風雲入郡來
退食還披龔遂傳振衣應上魯
連臺東方彫弊非當日獨爲蒼生賦七哀

馮郡丞汝言入計暫還海口吳郎中峻伯沈
叅軍子剛出餞同賦得山字

歲暮長安送客還驛亭踈柳不堪攀
星輶欲發仍呼酒春草相期一解顏
陌上清霜迎劔舄笛中明月動
關山海門凍合三吳舫此日馮唐鬢易斑

無雪東楊太僕汝握曾約雪中看山悵然賦
此

一春雨雪何太頻三冬無雪堪愁人
朔雲空壓漢宮樹北風漫吹燕市塵
平野何當玉突兀亂山長對青
嶙峋湖西有約竟不去笛裏落梅傷我神

立春日與周一之文德承李時明馬懷玉集
李伯承館時還宰新喻得天字

禁苑高樓動霽煙玉盤生菜感流年
吳歌晚聚江南客鄒律春回冀北天
久別共嗟饒素髮相逢能醉幾
芳筵柳條漸長應攀折又向官河送楚船

送符主簿之蜀

陌上離歌仍把袂樽前芳草惜離群
逶迤獨馬乘春

去斷續清猿入夜聞錦水東搖三峽月蜀天西盡萬
山雲宦遊莫惜梅花信歲暮長安定憶君

和人金陵春日感興

吳客風流似季鷹鐘山佳麗興堪乘高臺鳳去還臨
眺勝地龍蟠幾廢興九陌晴雲通玉闕三江春水抱
金陵莫愁何處歌楊柳獨聽黃鸝思不勝

送朱明府仲開謫平樂教授

黃鳥鳴時別禁園宦情南去復誰論鄭虔此日聊詩
句陶令何年共酒樽秋到百蠻思北鴈雲迷三楚望
中原滄江寂寞芙蓉老官舍長歌獨閉門

天寧寺同章景南李于鱗王元美餞別李伯

承還宰新喻得春字

野寺門前楊柳新一樽同此駐征輪西山物候仍餘
雪南國芳菲更有春楚權正逢歸塞鴈淮雲遙送渡
江入他時陶令應相憶不待秋霜下綠蘋

送王侍御子梁按河南

塞上初歸復此行燕南極目送飛旌天連嵩嶽寒雲
盡馬度黃河春草生簪筆常思未央殿封章時發大
梁城知君最愛應劉賦更向西園一寄聲

寒食夜感懷

帝里年華重旅愁幾迴清夢到滄洲看花多病虛寒
食秉燭何人共夜遊鄉思轉添春過鴈劔歌初斷月
當樓梁園舊侶今零落天際黃河空自流

送栗道夫下第歸上黨

早歲名成庾信流春風走馬向燕州壯心對酒惟長
劔華髮論文一敝裘落日寒生楊柳陌亂雲晴繞鳳
凰樓聖朝何事淹才子歸卧青山復幾秋

送許克之下第歸歷城

獨馬遲遲春尚寒曉衝踈雨出長安白雲又伴山中
卧芳草誰同湖上看不負才名須狗監豈容生事老

漁竿壯遊共擬磨崖賦海岱秋高木葉丹

送汪惟善歸婺源

久別天涯鴈獨知帝城多病見君遲入門不暇論心
事把手相看惜鬢絲半夜琴樽猶是夢百年湖海竟
難期陌頭春盡芳菲歇匹馬斜陽獨去時

送烏鼠山人胡世甫西歸

愁中忽過薊門春歸騎蕭條復向秦白首全生逢
聖主青山何意見騷人隴雲朝度鄉關近渭水晴分
草樹新自是揚雄多著述百年寧負舊綸巾

送徐庫部子明奉使紫荆關

易水津頭數去程
紫荆關下駐行旌
三千戰馬嘶風色
多少征夫悵月明
當日陸機偏作賦
祇今徐幹更談兵
高城獨倚應長嘯
秋滿河山一劔橫

送葉明府之蜀

桐葉初飛暑欲徂
美人別我向成都
權經三峽秋濤壯
琴對千峯夜月孤
場馬消沉雲幾變
江山寂寞鳥長呼
行春知爾還騷雅
獨自登臨憶老夫

寄陳潮州

不見元龍重倚樓
遙看天畔碧雲流
東方紫馬嘶何處
南服蒼生繫此憂
海氣鬱蒸長似夏
蠻煙蒼莽獨

宜秋鳳凰山下相思樹
攀折還能寄舊遊

潮陽有相思樹

秋日同吳子有朱伯鄰應瑞伯駕部謝少安

周叔敬庫部卽席得江字

我來值此群才會
官舍相留倒玉缸
煙外鴉聲紛古堞
雨餘槐色淨秋窓
共期帷幄長紆策
誰築邊城擬受降
司馬定看清紫塞
爲漁好去老滄江

送馮戶曹汝言之南都卽席賦得原字

樓船相別金陵去
吳楚徵求日轉繁
籌國曾聞謝安石
憐才還訪陸平原
寒煙弭櫂依江浦
曉月催人度海門
迢遞三山楓葉下
不知秋興幾開樽

早發坡泉薄暮至太行山下

地分三晉此山川形勝迢遙在馬前亂石斜通秋草
路太行橫斷夕陽天漫垂雲氣孤村雨時聒鄉心幾
樹蟬不及阮宣隨處醉興來卽解杖頭錢

又得寒字

出郭乘時父老歡頻年稼穡問艱難邊烽自不虛龍
劍客禮誰能重鷗冠地合千松山更秀天垂片雨日
多寒秋來逸興今朝醉老去新詩異代看

晚過劉叔清留酌得涼字

憲臺重過已斜陽共坐憑軒幽興長疊嶂亂雲秋助

色高槐疎雨夜生涼莫言心思關兵檄暫有風騷寄
酒觴孤塞此行威更遠滇南萬里昔飛霜

秋夜同李明府子充登圓通閣兼示懶上人

清秋風物興堪乘傑閣凌雲共此登自謂官輕隨曠
達不令人妬見才能披襟氣爽中宵露俯檻星搖下
界燈何處招提可遊眺萬山形勝幾詩僧

送劉兵憲八角堡防秋

旌旗北去盪晴空八角雲屯劔氣雄白草溝深平積
雪黃花戍迥度淒風聖王御世千年計俠士歸心百
戰功薄伐還應思吉甫宣威寧與漢家同

寄懷李藩相子成

早歲飄然別楚關，知君古道宦遊間。
能求馬首計何遠，不妬蛾眉心自閒。
河朔曉霜明一劍，鄴西秋色老千山。
徐陳彫喪應多感，獨摘黃花解醉顏。

寄懷玄易君

遙憶天機在筆端，王孫揮灑不知難。
興當風雨一樽盡，圖展瀟湘踈竹寒。
回首長吟秋寂寞，驚心幾見月團圓。
太行歸路重雲隔，漳浦三臺何處看。

園亭秋雨李之茂惠酒

聖代逍遙一角巾，西來况爾識予真。
園扉半掩琴書

靜庭樹相依，鳥雀馴荒徑。
自憐苔色古，白衣寧待菊。
花晨天涯風雨聊，成醉坐惜衝泥送酒人。

秋夜卽席爲南岑丈賦

絳燭含花照綺羅，瓊筵徹夜奏笙歌。
醉來有興新詩徙交到，知心勝會多。
風度千門傳鼓角，雲開萬里出星河。
甕頭再熟黃花酒，應待山人步月過。

夢吳人張德良同泛揚子江，偶得一聯黃蘆港外群峯出，青石灘頭獨鶴鳴。
醒而足之

不見詞人憶舊盟，清秋夢到闔閭城。
黃蘆港外群峯出，青石灘頭獨鶴鳴。
共傍江湖存逸氣，自憐萍梗寄

浮生一樽忽罷仍南北落月空梁無限情

九日齊明府思欽見過

天涯節序酒樽空扶杖登高索寞中旅鴈一聲辭朔
塞寒砧幾處亂西風今嗟白首親朋隔舊采黃花兒
女同慰我羈懷有陶令非關秋色過籬東

聞吳叅戎子陽還鄴賦此寄懷

三秋風雨亂江聲宦邸蕭條一劍橫湘鴈回時愁遠
信楚天盡處感浮生功成不憶田園好身在方知鐘
鼎輕漳浦于今還舊業當年應悔易論兵

周學憲子才招會長子同飲山樓賦得群字

長子城南坐夕曛風驅寒鴈北來群中原多賦誰知
已上黨孤懷此對君弔古非才嗟老至憑高有興醉
宵分萬年不改丹朱嶺聖帝垂名共白雲

寄李大叅子高

別來十度感秋風猶憶傳書向越東海戍煙塵曾建
策江城戰守未論功雲連北極心俱遠月到中天夢
幾同今日西河當重鎮寧知旅客望飛鴻

寄孔方伯汝錫

林園幽鳥日相依勲業知君久息機才合玉堂青史
缺官拘薇省黑頭歸數峰雲氣含秋雨萬谷河流動

夕暉好客共聞今北海何時乘月扣山扉

次潘國主對菊韻用述鄙懷

長鋏無聲食有魚門前倚杖鴈來初身違故國頻勞
夢力到衰年尚著書客子欲傾天上酒園丁還摘雨
中蔬因思寄傲陶彭澤坐對秋花白露餘

耿大叅子衡東歸僕候長子不至作此寄懷

襄陽不事習池遊車馬西來兩見秋官到壯年何感
慨才無知已卽歸休五更鼓角誰欹枕三晉河山客
倚樓追送孤城空極目滑臺雲樹重含愁

答宋鴻臚仁甫寄書

登高曾約帝京樓九日黃花各自秋明月相關今夜
夢白雲同寄故園愁征夫塞上功何晚胡馬霜前嘶
未休官舍寂寥應撫劍更將尺素問淹留

冬至夜怨菴席上有感

秉燭狂歌學楚聲樽前時復問神京嚴寒幾處屯兵
甲消長于今在聖明暗轉星河忘夜久幸無風雪忌
陽生王孫共擬名園醉好對梅花寄旅情

雪中感懷二首

客懷無定幾晴陰晉俗那知半古今孤館勁風翻積
雪千松寒色隱危岑鏡垂鶴髮嗟年老劔養龍精動

夜深昨向庭前驅鬪雀解紛還似魯連心

天教強健老年身自覺詩成調轉新三晉關河無旅
鴈萬家風雪幾愁人樽中醴酒堪懷古笛裏梅花未
是春形勝肯淹青玉杖乾坤何愧白綸巾

季冬十五夜蝕集雲階雲澗書齋

騷雅于今伯仲知坐談深夜緩清卮雪凝苔砌光逾
淨水凍蓮壺漏轉遲聚散老懷聊共醉浮沉世事總
難期眼前皓魄翻多感一誦盧仝月蝕詩

初春夜過西池書齋留酌賦得鐘字

燕臺故事老年蹤楚調狂歌聖代容乘興西來秋草

徧憑高北望暮雲重自踈客計閒長缺幾向玉門駐
短筇春酒淹留何限意滿城華月夜深鐘

得周學憲子才書并石刻詩以志謝

辛甲封疆探勝還雲蘿猶憶共躋攀坐憐同調繁聲
外老愧齊名片石間鶴髮鄉愁惟綠酒馬頭春色幾
青山太原有約堪乘興莫使東風花鳥閒

雪中東南泉君

當年齊客劔歌雄落落襟期誰復同特地曉寒侵逆
旅極天春雪滯歸鴻詩緣老後格逾健酒到愁邊樽
易空豈待黃花秋寂寞白衣方遣過籬東

春雪夜過敬軒賦得心字

雪妬花時何太深山雲聊復結春陰柳條含凍多愁
色燕子愆期百感心臘酒味濃淹醉客水絃夜冷罷
彈琴二難披豁論交處更欲同遊松栢林

寄張兵憲汝任

捷爲化俗更聲名天遣移官萬里程棧道雪深能走
馬潼關春暖又聞鶯楚元後裔風霾盡漢帝心中日
月明上黨不期逢舊好一樽應話十年情

三節爲郭生賦

三節相依度歲華南村厚俗使人嗟閨中亦解桑麻

計簾外慵看桃李花衰白同心天意許流黃共織月
光斜龍山不改千松色長送清風到爾家

初春同南泉西巖西池諸丈夜過懶公禪院
賦得青字

獨吟風物初成草共感交游此聚萍今日壯懷輕客
計老年幽意在禪扃松間月落牀猶據雪後春寒酒
易醒橫笛不須吹折柳市橋纔見幾條青

張汝任因話蜀中宦况賦此贈之

萬里移官獨慨然竹枝爭唱見豐年遲迴馬首中原
路秀拔峨眉西極天霜入岷江心與淨雲馳漢闕意

俱懸于今日照捷爲夕父老猶思北海賢

同敏軒昆季賦得登城樓望五龍山

松杪龍山縱目時龍精長寄萬松枝煙嵐忽動遙堪
挹風雨頻來暗有期半世客懷聊此醉千年帝力豈
予知高城倚杖空幽興安得巖棲日賦詩

西池園賞芍藥

王門設宴歎應徐紅藥相鮮映廣除地簇晚芳群蝶
下天留春色萬花餘願將繡幕通宵護詎使清樽半
日虛共醉瓊樓重吟賞莫言玄圃是仙居

送馬汝瞻暫還夏縣兼訊乃弟子端

三門貰酒慰平生浮世寧求著述名千里自嗟仍老
計十年相見又離情月明上黨時虛榻雲白中條秋
滿城有弟最良心自遠莫教室迹似難兄

張明府召和雨中見過因出蔡司馬子木之
作次韻爲贈

異縣應憐久客居嚴程猶念病相如莓苔偏積幽人
巷風雨還勞長者車遙憶蟬聲官柳合更看鳥跡訟
庭虛坐來談到垂名處青瑣他年幾諫書

次韻酬張召和見寄

危欄直傍白雲層與客論詩向晚憑澤國雲霞多變

幻海天風浪歛崩騰渾雄自可追前代古澹由來是
上乘橫槊千年獨魏武相期並馬吊西陵

栗道甫夜過送別

茅屋茶煙待客時山中別駕暮相期共逢昭代耽佳
句自笑殘年費苦思入夜星河林鳥定先秋風露草
蟲知坐談漸轉南樓月不盡離懷歸去遲

夜過恕菴言別賦得心字

衝泥使者日招尋向夕天風破積陰秋到王門芳草
歇露零旅館候蟲吟雲邊鄉國嗟年老月下亭臺坐
夜深共對離樽多感慨能交狂客是知心

李之茂見過樓中話別

有客經過乘晚涼索居秋草傍簾長老來寄迹仍多
事話到知心更一觴海上鶴書淹歲月塵中龍劍感
星霜共言此別能馳馬千折雲山是晉陽

送張明府召和之邊

蒼茫野色度旌旗平子乘驂西去時荒草乍經多事
地高秋更賦幾愁詩黃塵風靜周畿甸紫塞雲屯漢
虎貔不信賞功貪郡邑封章擬報聖王知

七月十五夜登屯留城樓

屯留城上草離披徙倚層樓重遠思今夕山川多病

客他鄉砧杵獨醒時丹砂晚計閒將補白髮流年暗
有期月到中秋誰共賦又看仙桂長金枝

漳河秋漲候渡因憶李通政仲西

萬折漳河過鄴城洪濤動地幾時平沙邊鸛鶴仍求
飽霜後魚龍始見清遙憶君家臨古渡更堪旅思聽
寒聲杖藜自惜徘徊影不逐東流寄此情

寓居二樓醉筆走賦呈正莊主人

主家前後起層樓樓上樓遲散客愁改席琴樽同皓
月當簷河漢共清秋日飛馴雀無高下天落閒雲有
去留謾說元龍今更傲東西任我醉鄉遊

秋日旅懷

家在太行東復東西來垂白感飄蓬野情自出浮沉
外道氣誰全寂寞中片雨滿城秋落木孤燈背枕夜
鳴蟲爲嗟今日平原館却憶當年國士風

周子才見過談詩

詩家超悟方入禪畫蛇添足何爭先半夜冰霜苦自
取三春花鳥愁相牽神遊浩渺下無地氣轉混茫中
有天杜陵老子昨夢見笑來更拍狂夫肩

寄南泉君因憶昭覺禪院

旅思偏多白髮年驚心朔鴈下汾川長歌遣興孤樽

夜老氣橫秋萬里天尚憶王孫曾授簡相過惠遠更
參禪別來獨對蒼松月應記清光幾度圓

寄上潘王殿下

遙憶池臺叢桂芬豈堪風俗寄河汾路通萬樹偏秋
色城隔千山更暮雲明月每馳天外夢寒砧不比鄴
中聞西來知遇嗟衰老別館孤燈坐夜分

憶茅山兼寄黃淳夫逸人

秣陵佳氣日氤氳句曲逍遙鸞鶴群諸洞藏真開石
髓三峰拔秀出江雲松間月掛清秋影天上星羅太
古文早晚黃生換仙骨相期南去訪茅君

司王明甫登玉皇閣

共探勝迹訪玄都閣上憑虛日欲補客路星霜嗟老
病聖朝風俗見唐虞天橫一鳥心何迥地合群山與
不孤同是玉皇香案吏君今廊廟我江湖

左溪君招飲浩然臺值雨同王明甫賦得臨
字

高臺置酒邀登臨騎馬共遊沈澗深絕塞煙雲白鴈
沒亂松風雨蒼龍吟閒中勝境幾人興醉後狂歌千
古心世事從來變倉卒出門誰預知晴陰

過朱道甫留酌分得秋字

為愛君才王勃流樽前相對賦高秋關山回首偏多
路風雨驚心各一樓老去自知能放達古來誰不重
交游匣中寶劍藏靈異莫使龍光天外浮

送王大叅明甫之秦中兼寄張方伯子文

島夷能禦待論功歌起漁樵吳會同兵甲威名懸海
上旌旄行色入關中金城遠抱山河地寶氣猶存秦
漢宮君見張衡正秋興三峯欲賦兩爭雄

送別張僉憲肖甫之潁州兼憶徐太守子與

浮雲蘄北嘆相違舊社詞人各是非謫後兩遷心事
定醉中多賦宦情微黃花含笑孤秋色白鴈離群幾

夕暉潁上有懷徐幹遠建安風調邇來稀

送張明府召和之代州

北來秋興亦多豪絕嶺松聲起暮濤邊發嚴程經斥
堠那堪朔氣蕩旌旄塵中馬去天逾迥塞上鷗盤風
正高聊醉山城禦寒色試探囊橐幾錢刀

送別吳景伯李光卿吳子哲三考官

太原城外感離群消息從今不易聞旅鴈翩翩乘朔
氣秋花寂寞向斜曛秣緣俎豆他鄉合漫賦山河別
路分楚客西歸渺相望天連劔閣萬重雲

秋夜同吳方伯子有孟廉憲存甫馮大叅汝

言周學憲子才遊東寺

詞人薄暮集東林碧殿風飄鐘磬音遊宦莫嗟間日
少談禪聊坐法雲深天回河漢餘秋與月在松蘿清
客心聖代經綸罷蓮社黃花相對且長吟

送陳大參粹中之代州

燕都纔上千秋籙鴈塞仍勞幾日程鬢髮欲蒼經國
計菊花又老宦途情霜凝莎草馬前白天接沙塲鷗
外平北望知君多感慨當年頗牧是長城

四溟山人全集卷之十一終

